

**Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UPA2020-mi nassuiaammik saqqummiussinissamik peqquneqarnissaannik Inatsisartut aalajangiiffisassaattut siunnersuut.**

(Inatsisartuni ilaasortaqa Henrik Fleischer, Siumut)

**Akissuteqaat**

(Ineqarnermut Attaveqaqatigiinnermullu Naalakkersuisoq)

**Aappassaaneerera**

Sanaartornermut Ataatsimiititaliami ilaasortat isumaqatigiillutik Imartami sillimaniarnerup, umiarsuarnik nalunaarsuinerup, inatsiseqarnerup ilaalu ilanngullugit tamakkiisumik oqartussaaffigineqalersinnaaneri pillugit isumaliutissiisummik pitsaasumik peqqissaarussamillu saqqummiussivoq.

Naalakkersuisuniit tamatumunnga qujavugut.

2019-imut aningaasanut inatsit pillugu isumaqatigiissut naapertorlugu naalagaaffimmiit akisussaaffeqarfinnik attuumassutilinnik nutaanik tiguisarnerup immikkoortumut nutaamut ingerlanissaanut piareersaasarnerup misissuiffigineqarnera ingerlateqqinneqassaaq. Taamaattumik aningaasanut inatsisissani tulliuuttuni suliassaqaarfinnik aalajangersimasunik, inuiaqatigiinnut naleqarnerpaanik tulleriiaarinermi isummernissamut tunngavissianik suliaqartoqartassaaq.

Suliamut tassunga atatillugu suliassaqaarfiit naalagaaffimmiit tiguneqarsinnaasut pillugit nassuiaatit, nalunaarusiat assigisaallu suunersut Naalakkersuisunit misissorneqarpoq, takuuk Namminersorlutik Oqartussat pillugit Inatsimmut ilanngussaq.

Aamma Naalakkersuisut maluginiarpaat, Imarsiornermik Misissueqqissaarnermi paasissutissat suli atorsinnaasut Sanaartornermut Ataatsimiititaliap isumaqaarfigigai, taamaattumillu misissueqqissaarneq suliassaqaarfinnik marluusunik taakkuninnga tiguisinnaanermut ataqatigiisumik naliliinissamut tunngavissaalluortoq.

Naliliinissami kalaallit imarsiornermik aqutsinissaannut piginnaaneqarfiit naammattut pigineqarnerisut immikkut ittumik eqqarsaatigineqassasoq Naalakkersuisut kissaatigaat. Tassunga tunngatillugu oqaatigineqassaaq, umiarsuarnut ingeniøritut imaluunniit inatsisilerituutut ilinniartitaaneq nalinginnaasumik ukiunik tallimanik sivisussuseqartarmat.

Savalimmiuni suliassaqaarfiit marluk taakku tiguneqarsimapput. Piginnaaneqarfiit unammillernarnerat peqqutigalugu imarsiorneq pillugu inatsisilerinerneq ataatillugu inatsisilerinerneq sullissinerneq assigiinngitsunik pisisarnissaq pillugu Savalimmiut danskit oqartussaasuinerup isumaqatigiissuteqarput. Tigusinissamut suliaq, Kalaallit Nunaanni piginnaaneqarfinnik inerisaanermik ilaqartoq ukiunik 12-nik sivisussuseqartussatut Imarsiornermik misissueqqissaarnermi naliliiffigineqarpoq.

Maanna danskit Kalaallit Nunaanni imarsiornermik aqutsinerannut aamma kalaallit tamatuminnga tigusissappata aningaasartuutissanik assersuussinermi kisitsisit assigiinnissaat ilimanangilaq.

Kalaallit imarsiornermik aqutsineranni piginnaaneqarfiit aningaasalersuinerillu pisariaqartut suliassaapput naliliinissamut ilaatinneqartussat.

Taamaattumik Naalakkersuisut sinnerlugit Sanaartornermut Ataatsimiititaliami ilaasortat allannguutissatut siunnersuutaat akuerineqassasoq inassutigaaara.

Taamatut oqaaseqarlunga siunnersuut Inatsisartuni kajumittumik suliassanngorlugu tunniuppara.